



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 55. Ordo Templariorum.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

pus Andegavensis fuerat, Remos trans-^{Sæcul. XII.}
 latus, possessionem hujus Ecclesiæ, men- ^{A.C. 1128.}
 se Octobri, eodem anno, millesimo cen- ^{c. 32. 33. 34.}
 tesimo vigesimo quarto, adiit, eamque
 annos quatuordecim rexit. In Concilio
 Trecensi complures Abbates quoque ad-
 fuerunt: Rainaldus Veseliacensis, qui
 eodem anno ad Archiepiscopatus Lug-
 dunensis apicem euectus est. Abbas Ci-
 sterciensis, Pontiniacensis, Clarævallen-
 sis, nempe S. Bernardus, Abbas trium
 fontium, Abbas S. Dionysii de Remis,
 S. Stephani Divione, & Molismensis.
 Duo etiam Doctores celeberrimi Alberi-
 cus Remensis & Fulgerius. Ex Laicis
 aderant Theobaldus Comes Campaniæ,
 Comes Nivernensis, & Hugo Magister
 novæ Militiæ Templi, cum Fratribus
 quinque.

§. LV.

Ordo Templariorum.

Hæc Templi Militia originem accepe-^{Guil. Tyr.}
 rat ante annos abhinc novem, vide- ^{XII. hist.}
 licet anno millesimo centesimo decimo ^{c. 7.}
 octavo. Quidam Equites, viri egregii,
 quos generis nobilitas & timor Supremi
 Numinis commendabant, se ipsos Dei
 Servizio in manibus Patriarchæ devove-
 runt, promittentes, se castitatem perpe-
 tuam, obedientiam, & paupertatem mo-
 re Canonorum esse servaturos. Ho-
 rum

Q9 4

rum

Sæcul. XII. A.C. 1128. rum præcipui erant Hugo de Paganis & Geofridus S. Aldemari, quibus, quia nec certa Ecclesia nec Domus erat, Rex Hierosolymæ ipsis diversorium in Palatio, quod prope Templum habebat, concessit; unde Templarii dicti sunt. Canonici Templi Hierosolymitani iisdem aream prope Palatium Regium donarunt, ubi cellas novo Instituto necessarias adificarent. Rex, Optimates, Patriarcha, Præsules aliquam redituum suorum & ditionum partem, unde alerentur & vestirentur, contulerunt. Munus vero primum & præcipuum, quod solemniter promisso in se susceperunt, ipsisque Patriarcha & ceteri Antistites in remissionem peccatorum suorum injunxerunt, illud erat, quod vias ab infestationibus furum & latronum securas præstare, ac peregrinantibus Hierosolymam præsidio esse tenerentur.

Hujusmodi Equites novem omnino erant, cum eorum sex Concilium Trecentense adierunt, & coram omnibus Disciplinam, quam in hoc novo Ordine Militari servare cœperant, prout memoria suggerebat, exposuerunt. Visum autem est Concilio, dandam ipsis esse Regulam scriptam, quam certius tenerent, atque ejus exemplum auctoritate Papæ & Patriarchæ Hierosolymitani conscribi jussit. Quod negotium S. Bernardo commissum; eoque

eoque auctore quidam Joannes Michaelis Regulam literis mandavit. Illa hodieque superest, ipsius nomen præferens, in septuaginta duo capita divisa. Sed complura, postquam magna incrementa Ordini accesserunt, & multo post tempore, adjecta sunt. Tradita Regula, Honorius Papa & Stephanus Patriarcha his novis Commilitonibus præceperunt, ut veste candida incederent, hæctenus enim proprius huic Ordini color non fuerat.

Sæcul. XII.
A.C. 1128.

Mabil. ad-
mon. in
Opusc. 6.
Bern.

Porro Capita Regulæ, quæ antiquissima videntur, sunt sequentia: *Commilitones Templarii toti Officio Divino, diurno nocturnoque, intersint. Si quis autem Servitio militari impeditus adesse nequeat, pro Matutinis tredecies orationem Dominicam, septies pro Horis minoribus, & novies pro Vesperis recitent. Nempe hi Equites legere non didicerant. Pro quolibet Fratre mortuo dicant centies Orationem Dominicam septem continuis diebus. Per dies vero quadraginta tantum cibi & potus, quantum Fratri defuncto suffecisset, cuidam pauperi porrigatur. Commilitones in Hebdomada ter, Die Dominica, die Martis & Jovis, carnibus vesciantur. Ceteris quatuor diebus a carnibus abstineant, & die Veneris cibo quadragesimali (videlicet subtractis ovis & lactariis) contenti sint. Unicuique Militi tres equos & unum armigerum habere liceat. Nul-*

6. 1.

6. 2.

6. 3.

10. 12. 13.

Sæcul. XII. *lus avem, vel aliam feram venetur.* Hæc
A.C. 1128. ergo fuere exordia Ordinis Templario-

c. 30.
47.

Guil. XIII.
hist. c. 25.

rum, ceteris omnibus Ordinibus milita-
 ribus antiquioris, tuncque primo tentari
 coeptum, Militiam cum Instituto Mona-
 chorum conjungere. (*) Ceterum Hu-
 go de Paganis ceterique Templarii a Re-
 ge Hierosolymæ illiusque Regni Princi-
 pibus eo consilio in Occidentem missi
 fuerant, ut populos ad iter in Terram
 Sanctam suscipiendum & auxilia ad obsi-
 dendam Damascum (hæc enim expedi-
 tio statuta fuerat) conferenda excita-
 rent. Anno sequenti millesimo centesi-
 mo vigesimo nono in Orientem reversi,
 magnam eo Nobilium multitudinem de-
 duxerunt.

§. LVI.

Ecclesia Latina in Oriente.

Stephanus Patriarcha Hierosolymita-
 nus,

* Cap. 12.

(*) Quod S. Bernardus, ipsiusque Scriba Jo-
 annes Michaelensis, hujus Regulæ auctores Re-
 gulam S. Benedicti præ oculis habuerint, ad ea
 excerpta, quæ viris militaribus congruere po-
 terant, patet ex illis verbis*: *Aliis nam diebus,*
videlicet secunda & quarta feria nec non & Sab-
bato duo aut tria leguminum vel aliorum cibo-
rum fercula, aut ut ita dicam cocta pulmentaria
omnibus sufficere credimus; & ita teneri jube-
mus, ut forte qui ex uno non potuerit edere ex
alio reficiatur. Reg. S. B. Cap. XXXIX.